



# КОНКУРС «Астана и Президент»

**Лукаш Анастасия,  
№ 3 орта мектебінің 9 сынып оқушысы**

Қазақстан – ежелгі ел, бірақ әлемнің қазіргі картасынан ол таяуда ғана, яғни 1991 жылы орын алды. Біздің Отанымыз – егеменді, тәуелсіз Қазақстан мемлекеті. Жүз отыздан аса ұлт өкілдері тұратын осынау қасиетті мекенде, асқақтаған Алатаулы өлкеде, кеңшілігі керемет, дархан дастарқандай далада, егіні теңіздей толқыған, төрт түлігі мыңғырған, өндірісі өркендеген мекенде өмір сүруші әрбір адам өз Отанын жанындай сүйіп, оның көк байрағын көкке көтеруді мақтаныш тұтады!

Қазақстан тәуелсіздік алғаннан бастап көптеген жетістіктерге жетті, атап өтсек: экономика саласында, мемлекет мәртебесі едәуір жоғарылады. Президенттің әр минөті, әр сағаты, әр күні баяғы замандардан бері тағдырға есесі кеткен халқына қызмет етуге арналып келеді. Әлем саясаткерлерінің арасында ерекше болмысымен оқшаулана көрінетін Нұрсұлтан бішұлы Назарбаев қазақтың, қазақстандықтардың тағдырын бүкіл әлем қызыға қарайтындай жағдайға жеткізіп келеді деуге болады.

Нұрсұлтан Әбішұлы Назарбаев-Қазақстан Республикасының тұңғыш Президенті 1991 жылы 1 желтоқсанда сайланды және қазіргі уақытта дейін.

Н.Ә.Назарбаев 1940 жылдың 6-шілдесінде Алматы облысы, Қарасай ауданындағы Шамалған аулында өмірге келді. Ол қарапайым балқытушыдан бастап, Елбасына дейінгі қиын да қызықты өмір жолын жүріп өткен.

Н.Ә.Назарбаевтың жылы жүзі, жұртты бірден өзіне баурап алатын қасиеті, сөзден өрмек тоқитын шешендігі, кісілігі мен талғампаздығы, психологиялық байқампаздығы, айналып келгенде, елінің, халқының жалпы түркі әлемінің көк туына айналуына ықпал етті.

...«Алатауға сыймай бара жатқан жоқпыз, қимай бара жатырмыз» деп Сарыарқа төсіне Қазақстанның бас қаласын ауыстырған Елбасы Алматы әуежайында абыз тауға бас иіп, ұшаққа отырған. «Астана – Нұрсұлтан Назарбаевтың бастамашылығымен, қажыр-қайратымен, беделімен, бақылауымен салынып жатқан қала. Мұны жалғыз біз ғана емес, алыс-жақын елдердің басшылары – президенттер, корольдер, парламент мүшелері, премьерлер, Астана феномені қызықтырған зерттеушілер, сарапшылар айтып жүрген, тұрақталған тұжырым. Олардан көпшілігі Астана қаласының құрылысын дүние жүзіндегі елеулі оқиғаға балап, сол қаланың бас сәулетшісі бола білді.

1998 жылы ЮНЕСКО-ның шешімімен Қазақстанға медаль және «Әлем қаласы» жоғары атағы берілді.

Астана – Еуразияның жүрегі. Астананың көптеген көрікті жерлер бар. Ол бірінші – «Астана-Бәйтерек» кешені болып табылады. Осы аталмыш кешеннің «дүниеге келуіне» Елбасының көп ықпалы тиді. Есілдің сол жағында бой көтерген алғашқы сәулет туындысы. «Бәйтеректі» «өмір ағашы» деп те аталады. Бұл сәулет туындысы халық ертегісі Ер Төстіктің оқиғасы желісімен өрілген. Естерінде болса, өз бақытың іздеп шыққан Ер төстік қиын-қыстау заманда әулім бәйтерекке тап болады. Ұшар басына көз жетпейтін мәңгілік өмір ағашына таң-тамаша қалады. Нақ төбесіне де ұя салған самұрақ құстың алтын жұмыртқасына ие болды. Сөйтіп, бақытты-баянды ғұмыр кешеді. Мәңгілік өмірі жер жаһанға жария етіп тұрған «Бәйтерек» – Бас қаламыздың символы. «Астана-Бәйтерек» үш бөліктен – тамыры, діңі және ұшар басынан тұрады. Астананың қасиетті белгісі болып табылады. 97 метр биіктікте көрініс алаңы орналасқан, сол құс ұнататын ұядай жерден бой келе жатқан Астананың көрінісін көруге болады.

Аз уақыттың ішінде Президенттік Мәдени орталық, Конгресс-холл, Мәдениет сарайы, Л.Н.Гумилев атындағы Еуразия университеті, ауқымды жаңа тұрғын ықшамаудандар, халықаралық деңгейдегі мейманханалар салынып, Абай мен Кенесары ханға ескерткіштер орнатылды.

Жұрттың көз алдында Астана Қазақстанның ең көркем қаласына айналып келеді.

Бүгінде Астана – саяси, экономикалық және әлеуметтік-мәдени мәселелер бойынша түрлі кездесулер өтетін еуразия кеңістігінің орталығы болып саналады.

Біз Қазақстан азаматы екенімізді мақтан етеміз! Елімізді де, елді басқарған ерімізді де.

Ол елдің аты – Қазақстан.

Ол ердің аты – Нұрсұлтан.

Әлем мойындаған мемлекетке айналу деген осындай болады.

Әлем таныған тұлғаға айналу деген осындай болады.

Еліңді еңселенту, халқыңның бағын жандыру деген осындай болады.